



SIUMUT INATSISARTUNI ILAASORTAATITAT

10. oktober 2012

Inatsisartut suleriaasiat § 37 imm.1 naapertorlugu Naalackersuisunut imatut apeqquteqaateqarpunga:

1. Ullumikkut nunatsinni politiit qassit pisariaqartinneqarpat aammalu politiit qassit kalaallit ullumikkut pigaavut?
2. Politiit nunatsinni amigaataanerit peqqutigalugu qallunaat tikisinneqartartut ukiumut qassiuppat?
3. Tikisinneqartussat qanoq siuningaagut ilitsersorneqartarpat nunatsinni pissutsit pillugit, ingammik illoqarfik tikitassartik inuttaasuilu ilisimasaqarfiginissaai pillugu?
4. Ullumikkut nunatsinni politiinngorniarniluni ilinniartitaaneq siunissami amigaateqarnermut qanoq isumalluarnartigisumik inissisimava? Imaluunniit qanoq isumalluarnanngitsigisumiippa?
5. Nunaqarfiit kommunefogedenik amigaateqartut ullumikkut qassiuppat? Aammalu qaqugu tamarmik inuttalernerneqarnissaat naammassineqassava?

(Inatsisartuni ilaasortaq Ruth Heilmann, Siumut)

Tunngavilersuut:

Eqqartuussiveqarnermi Naalackersuisumut Anthon Frederiksen-imut pingasunngornikkut 3. oktober 2012 apeqquteqaateqarninni apeqqutigisakka uteqqippakka isumaqarmat politimestereqarfimmiit apeqqutaasut akineqarnerusinnaasut.

Ullumikkut politiit suliasaqarpallaaneri patsisaatinneqartarput pingaarnersiulluni sulisariaqartarnerminnut, tamanna malugisassaasarpog inuttassaaleqinermik oqartoqartarmat, soorlu aamma kommunini inuusuttut pillugit akimortumik suleqatigiinnermut politeqarfimmiit peqataasukittarnera imaluunniit peqataanngitsoortoqartarneranik tusartinneqartarneq pisarmat. Uffa aamma pinerlutsaaliinermik aammalu pinaveersaartitsinermut politiit suleqataanissaat pisariaqartinneqartaraluartoq pinngitsoortarluni. Tamanna ugornartuuvoq aaqqiivigineqartariaqarlunilu.